

## ATODLEN 6

### LESOEDD

#### RHAN 5

#### CYFRIFO'R DRETH SYDD I'W CHODI

*Treth sydd i'w chodi mewn cysylltiad â chydabyddiaeth ar wahân i rent: cyffredinol*

- 33 (1) Pan fo cydnabyddiaeth drethadwy ar wahân i rent yn achos caffael les, mae darpariaethau'r Ddeddf hon yn gymwys mewn perthynas â'r gydnabyddiaeth honno fel y maent yn gymwys mewn perthynas â chydabyddiaeth drethadwy arall (ond gweler paragraffau 34 a 35).
- (2) Mae treth sydd i'w chodi o dan y Rhan hon o'r Atodlen hon mewn cysylltiad â rhent yn ychwanegol at unrhyw dreth sydd i'w chodi o dan unrhyw un neu ragor o ddarpariaethau'r Ddeddf hon mewn cysylltiad â chydabyddiaeth ar wahân i rent.